

明醫雜著卷五

吳郡後學薛已註

臍風

小兒初生百日內臍風方書率用南星殭蚕等  
風藥多不効當作胎毒瀉陽明火邪馬牙亦是  
胎毒用針挑破桑樹白汁塗之桑汁主小兒驚  
口及口瘡舌上瘡神効初生小兒時時與看頰  
傳桑汁不然舌硬緊漸至撮口難治

愚按曾世顯云嬰兒一七之內腹肚脹硬臍  
畔浮腫口撮不開攢眉而叫名臍風或因剪

臍帶少短或因束縛不緊牽動風入臍中或因鐵器斷臍冷氣入內傳於脾絡致舌強唇青手足微搐不能吮乳啼聲似鴉喉痰潮響急指破口泡去其毒水以艾灸臍中亦有復生者治法多端無如灸法或以天南星一錢生姜自然汗調灌爲妙

### 變蒸

小兒不時變蒸變者異常也蒸者發熱也所以變換五藏蒸養六腑須待變蒸多遍氣血方榮骨脉始長

愚按錢仲陽先生云小兒在母腹中乃生骨氣五臟六腑成而未全自生之後即長骨脉五臟六腑之神智自內而長自下而上故生後三十二日一變蒸始即智意異前蓋人有三百六十五骨除手足中四十五碎骨外有三百二十數自生下骨一日十段而上之十日百段三十二日計三百二十段爲一變亦曰一蒸骨之餘氣一自腦分入齦中作三十二齒則齒數當與變日相合然而齒有不及三十二數者由變不足其常也有或二十八

日即止長二十八齒已下做此但不過三十  
二之數凡一周遍乃生虛熱諸病如是十周  
則小蒸畢也計三百二十日生骨氣乃全而  
未壯也故初三十二日一變生腎生志六十  
四日再變生膀胱其發耳與聾冷腎與膀胱  
俱生於水水數一故先變主之九十六日三  
變生心喜一百二十八日四變生小腸其發  
汗出而微驚心爲火火數二一百六十日五  
變生肝哭一百九十二日六變生膽其發目  
不開而赤肝主木木數三二百二十四日七

變生肺聲二百五十六日八變生大腸其發  
膚熱而汗或不汗肺者金金數四二百八十  
八日九變生脾智三百二十日十變生胃其  
發不食腹痛而吐乳此後乃齒生能言知喜  
怒故云始全也太倉云氣入四肢長碎骨於  
十變後六十四日長其經脉手足受血故能  
持物能立能行也經云變且蒸謂蒸畢而足  
一歲之日也師曰不汗而熱者發其汗大吐  
者微止不可餘治全嬰方云變蒸者長氣血  
變者上氣蒸者發熱也輕則體熱虛驚耳冷

微汗唇生白泡三日可愈重者寒熱脉亂腹  
疼啼叫不能乳食食而即吐哕五日方愈其  
候與傷寒相似但以唇上白泡驗之亦有受  
胎氣壯實不熱不驚或無證候而暗變者竊  
謂此症小兒所不能免不必服藥古方以黑  
散子紫九子主之非惟臟腑不能勝受抑且  
反傷氣血慎之慎之嘗見一小兒至二變發  
熱有痰或治以抱龍丸一粒卒至不救可以  
驗矣然父母愛子之心勝稍有疾病急於求  
醫而醫者不究病情率爾投劑殊不知病因

多端見症相類難以卒辨况古人稟厚方多  
峻厲之劑緩服可也

潮熱

小兒潮熱或壯熱不退多是變蒸及五藏相勝  
不必用藥又多是飲食停積鬱熱由中發外見  
於肌表只理其中清陽明之熱而表熱自除不  
可認作外感輕易發汗用小柴胡輕利等藥重  
傷其內又潮熱不退恐是出痘亦當審察勿便  
用藥

愚按前症若因飲食停積或腹痛吐瀉或肚

腹膨脹宜用保和丸以消導健脾若飲食既消或腹痛不食或肚腹膨脹宜用四君子以保養胃氣若因誤行汗下損傷元氣宜用參耆歸木陳皮甘草以補中氣大凡傷食脾胃必損宜固胃氣庶無變症若寅卯辰時熱者屬肝經也巳午未時熱者屬心經也申酉戌時熱者屬肺經也亥子丑時熱者屬腎經也當詳其虛實而治之凡屬虛熱實熱投以攻補之劑其病既不增減乃是病根深固而藥力未能及耳須宜多服功力既至諸病悉退

切不可改爲別治設或藥不對症禍在反掌慎之○李閣老子患潮熱飲食如故自申酉時甚至子丑時方止遍身似疥大便秘結小便赤澁熱渴飲冷余以爲脾胃實熱傳於肺與大腸先用清涼飲四劑結熱始退又用四物湯加柴胡黃連數劑其瘡漸愈後欲速効另用槐角丸之類諸症益甚遂求於施院長亦用四物湯加柴胡黃連加桃仁赤芍藥至

百劑而愈

施院長名鑑字  
銀臺弟

大小便白

小兒大小便時時審看小便如米泔或澀滯少  
頃變作泔濁此脾胃濕熱也若大便泔白色或  
如魚凍或帶紅或色黃黑此積滯濕熱也宜理  
脾消滯清中宮去濕熱節飲食若忽然變毒此  
是變蒸也不必用藥若久不愈用補脾制肝藥  
一二服亦不宜多用

愚按小便如泔或大便泔白宜用肥兒丸若  
積滯黃黑宜用四君子加黃連木香蒼色青  
日久不復或兼泄瀉或兼腹痛當用六君子  
加木香芍藥若肌體色黃小便不利髮黃脫

落鼻下瘡痰嗜土少食大便青褐色者須用  
梔子茯苓湯

詳見治疳要藥下

### 小兒病多屬肝脾二經

小兒病大率屬脾土肝木二經肝只是有餘有  
餘之病似重急而為治却易見効亦速脾只是  
不足不足之病似輕緩而為治却難見効亦遲  
二經為病惟脾居多用藥最要分別若肝木自  
旺則為急驚目直視或動搖手足搐搦風痰上  
壅等症此為有餘宜伐木瀉肝降火清心若脾  
胃虛而肝木來侮亦見驚搐動搖諸症但其勢

微緩名曰慢驚宜補養脾胃不可錯認將脾經誤作肝經治也

愚按急驚乃風火之症脾土受制肝經實熱者用瀉青丸徑伐其肝或導赤散以瀉其子肝經虛熱者用六味地黃丸以滋腎水補中益氣湯以養脾土則風木自息脾土自安矣若因乳食不調脾胃虧損木來侮土似慢驚而見抽搐頭劄目咬牙等症宜用六君子加釣藤鈎若脾胃虧損寒水反來侮土成慢驚而見前症用前藥加姜桂如未應更加附

子多有復甦者○舉人杜克宏子發熱抽搐口噤痰湧此肝膽經實火之症即急驚風也先用瀉青丸一服又用六味丸二服諸症頓退乃以小柴胡湯加芎歸山梔釣藤鈎而安却用補中益氣湯而愈

### 急驚

急驚是有餘之症屬肝木心火陽邪太旺宜直瀉之降火下痰是也五臟俱有陰陽如肝氣爲陽爲火肝血爲陰爲水肝氣旺則肝之血衰矣火妄動則水被煎沸不寧矣陽旺陰消風火相

搏陰血走散勢所必至也故亦宜養血急驚雖屬肝心然木火旺則肺金受虧不能平木木來尅土斯損矣故亦宜養脾况治驚諸藥大率祛風化痰瀉火峻厲及腦麝辛散之味易於消陰血損脾胃者故治有餘急驚之症先須降火下痰一二服後加養血安神之藥若飲食少大便澹或吐瀉則當兼補脾胃若脾胃原虛當於直瀉藥中加補脾藥若屢作屢服利驚驅逐之藥便宜認作脾虛血散治驚藥內加養血補脾藥不可用溫熱丁香等藥恐助胃火宜參朮芍藥

等以補脾中氣血麥門冬黃連以清金制木

愚按前症若肝經風熱抽搐目矓筋急痰盛等症用四物湯以生肝血鈞藤鈎以清肝火更用四君子以補脾土若肝經血燥發熱驚搐眼矓痰盛筋攣用六味丸以滋腎水生肝血用四君子加芍藥以補脾土生肺金若肺金尅肝木用六君子以實脾土芍藥木香以平肺金若屢服利驚之藥而脾胃虛寒者須用六君子以補脾胃加丁香木香以培陽氣若脾土虛寒腎水反來侮土而致中寒腹痛



吐瀉少食等症者用益黃散以補脾土而瀉  
寒水庶幾不致慢驚矣治當審察虛實凡症  
屬有餘者病氣也不足者元氣也故有餘當  
認爲不足思患預防斯少失矣

急驚變慢驚

急驚屢發屢治用直瀉藥既多則脾損陰消變  
爲慢驚當主以補脾養血佐以安心清肺則肝  
之藥

愚按前症多因吐利脾胃虛損肝木所乘或  
腎水反來侮土所致故似搐而不搐先用鈞

藤飲子如發搐少退乃用寶鑑天麻散若吐  
利不食急用木香異攻散實其脾土其病自  
已如未應用六君子加木香炮姜溫補脾土  
更不應急加附子以回陽蓋慢驚之症外虛  
熱而內真寒也無風可逐無痰可驅但溫補  
脾胃爲主大凡發搐因風則目青面赤因驚  
則叫呼搐搦因食則噁吐氣悶肺脾虛則生  
粘痰喉間作鋸聲乃心火不能生脾土脾土  
不能生肺金以致肺不能主氣脾不能攝涎  
故涎氣泛上而喉中作聲耳若用祛風治痰

理氣之劑則氣散陰消而促其危矣○大平王職坊子患瘧疾恪用化痰之劑虛症悉至殊類驚風謂余曰何也余曰小便頻數肝經陰虛也兩目連劄肝經風熱也作嘔懶食胃氣虛弱也泄瀉後重脾氣虛弱也用補中益氣湯六味地黃丸而痊○舉人余時正子傷食發丹毒服發表之劑手足抽搐服抱龍丸目矓氣喘痰盛余謂此脾胃虧損而變慢驚也無風可祛無痰可逐乃虛象也遂用六君子加附子一劑而安再劑而愈○一小兒病

後遇驚即痰盛咬牙抽搐搖頭作瀉却服腦射硃砂等劑以致慢驚而卒

驚搐

小兒驚搐之症必有痰或因驚而痰聚或因痰而致驚古人治驚方中俱兼痰藥必須先治其痰然後瀉火清神若痰壅塞胃膈不去則瀉火清神之藥無所施其功也二陳湯加竹瀝入少姜汁最穩痰重者滾痰丸白餅子利驚丸下之滾痰丸下熱痰白餅子利驚丸下痰積在上者宜吐之重則用藥吐輕則探吐之若不必吐下

以二陳爲主脾虛有熱痰加白朮芩連風痰稠  
結加南星貝母枳實胃虛生痰加白朮麥芽竹  
瀝

愚按前症若因心肝二經風熱熾盛兩目連  
劄四肢抽搐宜治肝清心若因心經蘊熱叫  
呼戰慄宜清熱安神若因肺感風邪氣急喘  
促宜治痰理肺若因飲食停滯嘔吐困睡宜  
消導健脾若因脾肺虛弱而風痰壅盛以致  
前症但宜補中益氣爲主若執用祛風治痰  
理氣之劑則氣散陰消而促其危矣○大尹

劉應昌子患癩癰恪用化痰之劑虛症悉至  
殊類驚風又服祛風至寶丹小便秘數肢體  
抽搐或兩目連劄咬牙呵欠或作嘔懶食大  
便重或泄瀉此土傷而木勝也用補中益  
氣湯六味地黃丸而痊○冬官朱小溪子項  
間結核面色痿黃肌體消瘦咬牙抽搐頭搖  
目劄此肝木剋脾土也用六君子湯九味蘆  
薈丸而愈○憲幕顧斐齋玄孫二周項結核  
兩臂反張索敗毒之藥余意其症屬風熱傷  
肝血燥筋攣未敢付藥翌早請治果係前症

遂與六味丸一服侵晨灌之午後肢體如常  
○儒者王文遠子患瘰癧痰盛發搐服金石  
香燥之劑手足筋攣此肝血復傷而致急驚  
風也遂用加味小柴胡加釣藤山梔芩歸一  
劑又以六味丸料加五味麥門煎服而安  
小兒忽然驚搐目上視搖頭咬牙症候怪異世  
俗多作肝經有餘之症投以驚藥豈知飲食停  
滯痰涎壅積亦多類驚者便須審察有無傷積  
腹痛胃滿嘔吐惡食輕則消滯化痰重則探吐  
滯積而後調之又有因感冒吐瀉而發熱氣血

虛爲熱所迫雖見驚症不可即服驚藥但調治  
吐瀉感冒則氣自定熱自退而驚自除矣

愚按前症若因肝木侮脾土用六君子加芍  
藥木香柴胡若因脾土虛而自病用五味異  
功散大凡飲食停滯痰積壅滿而見驚症實  
因脾土虛弱不能運化所致但健脾胃則食  
自消痰自化若輕用驚藥風藥反所以成其  
風而重其病也况脆嫩臟腑安能受峻厲之  
劑耶若專治其病則誤矣○姚儀部子每停  
食身發赤暈用清中解鬱湯而愈後患搖頭

咬牙痰盛發搐吐出酸味待其吐盡翌日少  
以七味白朮散後日以參苓白朮散調理脾  
胃遂不復患大抵吐後兒安不必更服藥也  
○一小兒停食服通利之劑作嘔腹脹此脾  
胃復傷也用補中益氣湯而愈○一小兒兩  
目動劄手足發搐數服天麻防風丸之類以  
祛風化痰前症不愈其痰益甚得飲食諸症  
稍愈視其準頭及左頰色青黃余曰脾主涎  
此肝木制脾土不能統攝其涎非痰盛也遂  
用六君子湯加升麻柴胡鈞藤二劑飲食漸

進諸症漸愈又用補中益氣而安

小兒用藥不宜峻厲

小兒驚藥皆些小丸散多峻厲取其易於成功  
以之治肝心有餘之症對病則可中病宜即止  
不可以為常也病勢輕淺只用輕劑病退便宜  
和中調理如牛黃丸三四十味亂雜殊甚涼驚  
丸非氣壯實肝火旺者不宜抱龍丸亦多不見  
效且麝腦香辛太甚走散真氣又傷脾胃元氣  
虛則病愈生矣

愚按小兒之症有餘便屬肝經不足便屬脾

經蓋有餘是病氣也不是元氣也凡病氣有餘元氣不足當補不當瀉况脆嫩藏府安能受峻厲之藥前論厥有旨哉○一小兒數歲每停食輒服峻厲之劑後患肚腹膨脹或嘔吐泄瀉余先用六君子湯諸症漸愈又用補中益氣湯胃氣漸復

驚後目動咬牙

驚後目微動及咬牙固爲肝虛亦虛中有熱虛者血不足熱者氣有餘水不足無以制火而火動故也但牙床屬胃脾胃虛而有熱亦見微咬

不可專歸肝腎當以補脾爲主加黃連芍藥川芎便是瀉肝氣補肝血也生地黄涼心血故導赤散宜用之熟地黃補腎血故地黃丸宜用之凡肝腎虛症見者於脾胃藥加地黃可也或以目劄咬牙爲肝腎虛專服地黃丸豈不泥膈生痰適有以妨於脾胃也

愚按前症亦有肝熱生風風入於目目系牽動則目連劄熱入於目筋脉拘緊則目直視若面赤仰臥搖頭咬牙此則心熱之所致也又當別其虛實肝實則瀉青丸虛則地黃丸

心實則導赤散虛則粉紅丸若脾胃虛熱補  
中益氣湯加芍藥山梔以實脾土制肝木若  
一 肝腎虛熱用六味地黃丸以補腎水生肝木  
○ 奚氏女六歲忽然發驚目動咬牙或睡中  
驚搐痰涎壅盛或用化痰祛風等藥益甚余  
曰面青而見前症乃屬肝木尅制脾土不能  
攝涎而上湧也當滋腎水生肝血則風自息  
而痰自消矣遂用六味丸而愈○ 一 小兒患  
前症痰涎自流用驚風之藥其症益甚脾胃  
益虛視其面色痿黃口吐痰涎用六君子補

中益氣湯而愈

小兒好睡

小兒時時好睡乃脾虛困倦也不必用溫胆湯  
睡中驚動不安是心血虛而火動也蓋心虛則  
驚動宜清心安神養血降痰又胃膈有痰亦作  
驚動又脾胃有傷鬱滯不瀆亦驚動不安此又  
脾胃與痰所致非由心血也宜消食化痰食去  
痰除則補脾胃

愚按前症若因心脾氣虛有痰宜用參朮茯  
苓五味以補心氣當歸芍藥棗仁以養心血

橘紅半夏以開痰滯若脾肺氣虛胸膈有痰  
用補中益氣湯以補中氣用胆星天竺黃以  
化痰涎若因飲食停滯而作用四君子湯以  
健脾胃用山查神麩以消飲食若因脾虛而  
好睡用五味異功散以補脾氣當歸芍藥以  
生脾血若因母飲酒致兒醉好睡者以甘草  
乾葛煎湯解之不應用四君子湯○楊永興  
子七歲停食吐瀉後好睡睡中兼驚又治不  
愈余曰好睡是脾氣虛困也善驚是心血虛  
怯也蓋心爲母脾爲子也此心火不能生脾

愈  
土用補中益氣湯及六味丸加鹿茸治之而

出痘發搐

小兒若因出痘而生驚搐不必治驚若身熱耳  
冷骭冷疑似未明古方服升麻葛根湯痘已出  
及出完調理氣血只依丹溪痘瘡法分氣血虛  
實看紅紫淡白稠密稀疎及叅時令用藥常以  
脾胃爲主虛寒用陳文秀溫補法實熱用解毒  
法全在活法通變

愚按小兒痘瘡未出則補托之已出及出完



則調理之更當察色聽聲辨其多寡表裏虛實而治之庶不有誤世皆宗丹溪錢氏陳氏三家之論又必會而通之與時宜之不致膠柱而鼓瑟也竊謂黑陷耳聾冷咬牙吐瀉者乃脾土虛敗寒水反來侮土歸腎之惡候也用百祥丸瀉之急以四君子下香陳皮木香厚朴炮姜以溫補脾土身熱飲水黑陷復起十救一二蓋此症因脾土虛敗寒水乘侮故陳文秀先生云若治寒水於既侮之後何不保脾土於未敗之先此發前人之未發救後

世之誤妄况痘瘡發出成膿收靨即癰疽起發腐潰生肌皆脾土元氣使然若黑陷寒戰咬牙泄瀉喘嗽即癰疽陽氣脫陷寒氣內淫之陰症急用異功散倍參芪歸朮姜附溫補脾胃不可泥其日期而行解毒托裏等法但見其虛弱便宜滋補脾胃以顧收靨觀丹溪先生治一叟發熱而昏倦其脉大而似數與參芪歸朮陳皮大料二十劑而痘出又二十劑而膿泡成身無全膚又六十劑而安其義可見

益黃散治病

益黃散治脾胃虛冷故用丁香暖胃二皮理胃消食化痰訶子澁腸胃止泄固氣甘草和中仍加白朮爲當若非虛冷泄瀉清白及無食積者去青皮丁香加白朮茯苓可也溫胆湯除痰止吐加白朮芍藥黃連便是制肝補脾之藥

愚按益黃散乃溫補脾胃之劑也若嘔吐腹痛泄痢清白口鼻氣冷者乃寒水反來侮土也宜用錢氏益黃散若因熱藥巴豆之類或因暑熱傷乳食損其脾胃而成吐瀉口鼻氣

熱者乃胃中氣虛風熱也宜用東垣安胃散

傷風流涕

小兒八歲以下無傷寒雖有感冒傷風鼻塞流涕發熱咳嗽以降痰爲主畧加微解凡散利藥毒非幼稚所宜或冒輕者不必用藥候二三日多有自愈

愚按前症若手足冷或腹脹脾虛也用六君子湯加升麻柴胡若腹脹或氣喘肺虛也用四君子湯加柴胡升麻經云肺主氣而司皮毛肺虛則腠理不密外邪易感凡發表之後

其邪既去用補脾肺以實其表庶風邪不能再入往往表散之後熱嗽不退復行發表多變壞症○吳江史玄年子傷風用表散化痰之藥痰盛咳嗽肚腹膨大面色皃白此脾土虛不能生肺金也余用六君子湯加桔梗一劑頓愈至三日前症仍作鼻中流涕此復傷風寒所致用前藥加桑皮杏仁桔梗而愈○史少叅季子喘嗽胃腹膨脹泄瀉不食此飲食傷脾土而不能生肺金也用六君子湯一劑諸症悉愈○史木川子六歲感冒咳嗽發

散過度喘嗽不食用六君子湯加桔梗而愈時四月隨其父巡視耕種忽發寒戰仍復咳嗽或用發表之劑痰中有血余曰此成肺癰也次日吐痰兼膿用桔梗湯而愈後元氣未復大便似痢或用五苓黃連枳實之類痰喘目劄四肢抽搐余曰此脾氣敗而變慢脾風也辭不治果然

驚搐等症誤用藥餌

小兒或因驚搐或變蒸或食積或寒熱往來誤服解表瀉利之藥傷損脾胃氣血難以發生面

黃肌瘦目動咬牙髮稀足弱不能行步此屬胃虛非肝腎也當長緩調理復全胃氣可也

愚按藥餌偏勝之味脾胃非所宜也况小兒之疾多因乳食不調寒溫失節虧損脾胃元氣根本不固而邪得以致之亦有因乳母六淫七情飲食起居所致苟不明其本末辨其緩急而誤用峻厲之藥重傷脾胃生生之氣變症百出促其夭亡誰之咎也丹溪先生慈

幼論言之詳矣

### 風癰及脚指常腫

小兒身常發風癰及脚指常紅腫此脾經風熱也用防風通聖散去硝黃加鼠粘子酒炒黃連爲末服之亦用防風白芷薄苛黃連黃芩黃芪黃栢煎湯避風而浴

愚按前症若因脾氣不足濕熱下注宜用參芪歸朮以補脾氣升麻柴胡以升陽氣茯苓澤瀉以導濕熱若因食鬱內熱宜用四君子湯以健脾胃山查神麩以消飲食山梔川芎以清肝熱若因風邪收斂腠理或浴出見風而患者宜用補中益氣湯以補元氣加芎芷

羌活以散風邪潔古先生云痲發於膚外而  
多痛癢隱於膚內而多痒大抵安裏之藥爲  
主發表之藥爲佐○一小兒瘙痒發熱體倦  
少食此脾肺氣虛外邪相搏先用消風散劑  
隨用補中益氣湯加茯苓芍藥而愈○一小  
兒患此作痛熱渴服發表之劑其症益甚形  
氣倦怠脉浮而數此邪在經絡誤散表而損  
其真也用人參安胃散補中益氣湯而愈○  
一小兒作痒發熱用犀角消毒散頓作吐瀉  
此邪氣上下俱出也其癰果消勿藥自愈○

一小兒陰囊赤腫余作胎毒治之而瘥後患  
發熱痰喘等症診其母有鬱火血熱用解鬱  
涼血之藥子母俱服而愈又患吐瀉小便赤  
澀兩目睜動視其寅卯關脉亦此屬風熱用  
柴胡清肝散加釣藤鈎木賊草一劑即愈○  
一小兒腿如霞遊走不定先以蒜油塗患處  
砭出惡血其毒即散用九味解毒散一劑而  
安○一小兒患之外勢雖輕內苦便秘此患  
在臟也服大連翹飲敷神功散而瘥

小兒無補腎法

小兒無補腎法蓋稟父精而生此天一生水化  
生之源腎之根也此根日賴脾胃乳食水穀長  
養男至十六而腎始充滿既滿之後婚媾妄用  
虧損則可用藥補之若受胎之時稟之不足則  
無可補稟之原足又何待於補耶

愚按小兒行遲齒遲解顛顛填五軟鶴膝腎  
疳齒豁睛白多愁凡此皆因稟受腎氣不足  
當以六味地黄丸加鹿茸補之若因精氣未  
滿而御女以通多致頭目眩暈作渴吐痰或  
發熱足熱腰腿痠軟或自汗盜汗二便瀉痢

變生諸疾難以名狀余常用六味八味二丸  
及補中益氣之劑加減用之無不奏效○一  
小兒九歲解顛足軟兩膝漸大不能行履屬  
腎稟不足用六味丸加鹿茸三月而能步履  
○一小兒十四歲肢體倦怠發熱晡熱口乾  
作渴吐痰如湧小便淋瀝或面目赤色身不  
欲衣此亦稟賦不足也用補中益氣湯及前  
丸而愈○一小兒十五歲而御女大小便道  
牽痛服五苓散之類虛症蜂起與死爲鄰余  
用補中益氣湯加減八味丸而愈○一小兒

方明醫籍考卷五  
十三歲內熱晡熱形體倦怠食少作渴或用  
清熱等藥治之虛症悉具余以為所稟怯弱  
用六味丸加鹿茸補之不越月而痊蓋古今  
元氣虛實不同故也

擬定諸方

治小兒肝經火旺目睛頻動痰氣上升或壯熱  
驚搐面色紅脉有力脾胃無傷宜瀉肝火

川芎

八分

當歸

酒洗

柴胡

橘紅

八分

枳殼

炒

天麻

各六分

甘草

四分

茯苓

白芍藥

炒各八分

黃連

四分酒炒

薄荷

三分

右每服二錢姜水煎服

愚按前症若肝經風熱而自病宜用本方若  
肝經血燥而自病宜用六味丸若肝木尅脾  
土宜用四君子湯叻升麻柴胡若肺金尅肝  
木宜用瀉白散若腎水不能生肝木宜用六  
味丸若愈後驚悸不寐或寐中發搐咬牙宜  
用歸脾湯加茯苓五味蓋有餘者邪氣實也  
不足者真氣虛也凡病有餘當認為不足經  
云邪之所湊其氣必虛○少參王陽湖孫八

歲傷股骨正體科續之余視其面青而兼黃  
口角微掣動此乃肝木侮脾症也且氣血筋  
骨皆資脾土而生但壯脾氣則所傷自愈遂  
用六君子湯加釣藤鈎當歸三十餘劑諸症  
悉愈○一小兒三歲因驚抽搐發熱痰盛久  
用抱龍丸等藥以清風痰反致面色或赤或  
青余謂此心肝二經血虛風熱而生痰不足  
之象也先用六味地黃丸以滋養肝腎佐以  
六君子湯少加柴胡升麻以調補脾胃諸症  
頓退而痊

治小兒脾經不足土敗木侮目睛微動四肢微  
搐或潮熱往來脾胃有傷飲食少進或泄瀉  
嘔吐面色黃脉無力宜補脾胃

白朮

一錢三分

黃芪

蜜炙

川芎

當歸

酒洗

陳皮

人參

肉豆寇

煨

神麩

乾葛

各五分

白芍藥

一錢酒炒

黃連

甘草

各四分

半夏

白茯苓

各七分

右姜水煎服

愚按前症若因脾胃虛弱用五味異功散補



之虛寒者加木香或再加炮姜溫之若因脾  
氣下陷用補中益氣湯舉之作渴者用七味  
白朮散主之若因脾胃虛弱寒水侮土用六  
君子加木香炮姜溫之若因脾胃虛弱肝木  
侮土用補中益氣湯加苓芍半夏調之若因  
肝木太過脾土受制用小柴胡湯加炒山梔  
平之若因傷魚肉等物宜六君子湯更加山  
查砂仁消之若因傷生冷腹痛或瀉利清白  
宜六君子湯加砂仁木香炮姜溫之若因傷  
辛熱停滯嘔吐酸水或大便積利不快用六

君子湯加黃連吳茱萸木香和之若食積去  
而泄瀉不止用四君子湯加肉豆寇補骨脂  
木香煨姜以補脾胃若泄瀉止而飲食少思  
宜用白朮散以補脾胃○一小兒傷食發熱  
面赤或用養胃湯枳實黃連山查治之更加  
腹脹午後發熱按其腹不痛余以爲飲食雖  
化而脾胃復傷用六君子湯數劑而痊○一  
小兒傷食發熱嘔吐面赤服消導清熱之劑  
飲食已消熱赤如故余曰此胃經虛熱耳用  
四君子湯加升麻柴胡各二分四劑而痊○

一 小兒傷食發熱面赤抽搐嘔吐氣喘吐痰  
余以爲飲食傷脾發熱肺氣虛弱所致耳用  
六君子湯再加炒黑黃連山梔各二分一劑  
頓安 餘見各類

治小兒心血虛睡中驚動不安或受驚嚇而作  
主清心安神降痰

人參

半夏 湯泡

酸棗仁 去殼炒

茯神

去心各一錢 當歸 酒洗

橘紅

赤芍藥

各七分 五味子 五粒 甘草 炙三分

右水煎入姜汁竹瀝少許入牛黃半分尤妙

若溫暖之月心經多熱加生地黃山梔仁 各五分

分麥門冬 七分 淡竹葉若方飲食因驚而停滯

者須先消飲食然後治驚驚藥內仍加白朮  
麥芽以理脾胃蓋驚則氣散宜收補其氣驚  
則痰聚宜消化其痰

愚按前症若心血不足而心神驚悸者宜用  
本方若木火太過而心神不寧者宜用導赤  
散若木火翕合風熱相搏而病者用柴胡梔  
子散若肝心虛弱木火未濟而病者用六味  
丸若因脾胃食鬱生痰驚動不安者宜用四

君子湯以健脾神麴半夏麥芽以化痰山梔芍藥以清熱若因飲食停滯肚腹膨脹或嘔吐泄瀉宜用六君子湯以健脾用厚朴神麴以消食如有痰搐驚症仍用本方調治如見肝經之症加釣藤鈎方內赤芍藥易以白芍

藥治驗見各症類

治小兒食積鬱熱發於肌表潮熱往來主理申

清陽明之熱

白朮炒

山查

白芍藥炒各一錢

黃連炒

枳實炒

川芎

香附米炒

升麻各七分

乾葛一錢二分

甘草

炙草各三分

右用姜水煎服若食積去後潮熱未除減山

查枳實香附川芎加人參黃芪陳皮各五分再

加白朮二分三有痰加半夏分六

愚按前症若食積去而熱不退用五味異功

散以補胃氣若作嘔少食用四君子加藿香

半夏以安中氣若泄瀉不食宜用六君子湯

加升麻柴胡以升補脾氣若久瀉不已宜用

補中益氣湯以升補陽氣若虛寒加炮姜木

香如不應佐以四神丸以補脾腎若體瘦潮熱口渴大便不調宜用肥兒丸以消疳積若不分脾胃氣虛實有無食積槩用尅伐消導寒涼清熱之劑復傷脾胃生氣反爲難治之症○儒者薛衡甫子年七歲身羸發熱面黃皆以爲內傷瘀血欲下之余謂乃脾臟受傷投以六君子湯加煨姜兩服飲食頓進數服諸症全愈○一小兒飲食停滯服消導之劑余曰此脾胃氣虛故飲食不能尅化也法當調補爲善若數用尅伐之劑脾胃氣益傷飲食愈

停矣已而腹內又結一塊寒熱潮熱食少作渴太便不實余用四君子湯飲食漸增又用補中益氣湯而愈○一小兒肚腹膨脹飲食即瀉手足逆冷余以爲脾胃氣虛寒先用人參理中丸後用六君子湯而愈○一小兒常患停滯數服尅伐消導之劑以致脾胃虛甚患吐瀉慢脾風而卒

餘見各症類

治小兒發熱感冒鼻流清涕或咳嗽吐痰輕者且勿藥候一二日多自愈重者用輕和之劑

橘紅

半夏炮

桔梗

川芎

各五分

白茯苓

桑皮

蜜炙各七分

甘草

炙

防風

各四分

薄荷

枯黃芩

炒各三分

白朮

錢

右每服二錢姜水煎服

愚按前症若腠理不密外邪所感鬱於肺而為患者宜用本方若脾胃氣虛不能生肺金而致患者用補中益氣湯若脾胃氣實肺氣壅滯而大腸不利者用瀉黃散若心火上炎消燬肺金而致咳嗽者用六味九大凡元氣素弱或患病日久宜用補中益氣湯為主加

以半夏茯苓桔梗若見發搐咬牙等症皆虛熱所迫亦宜用之若痰盛少佐以抱龍丸若風邪既退而熱痰未已但健中氣則痰自化而病自愈若用化痰利氣之藥則中氣愈虛痰熱愈甚矣○一小兒傷風咳嗽發熱服解表之劑更加喘促出汗余以為肺脾氣虛欲用補中益氣湯加五味子補之不信乃服二陳桑皮杏仁枳殼桔梗之劑前症益甚又加發搐痰壅余仍用前藥更加鈞藤鈞石瘞蓋小兒臟腑脆嫩氣血易虛所用之藥雖為平

和亦有偏勝之味須審察病氣形氣虛實在

表在裏之不同而治之可也治法見傷風鼻流涕條

治小兒大便色泔白及小便濁或澄之如米泔

者此疳病也

白朮

黃連姜水炒

白茯苓

澤瀉

山查

白芍藥炒各一錢

青皮分四

甘草分三

右姜水煎服

愚按前症若因脾氣虛而兼濕熱者宜用四

味肥兒丸若兼泄瀉當以白朮散間服

治疳丸小兒要藥

胡黃連

蘆薈

史君子

黃連各五錢炒

神麩炒一兩

阿魏

青黛二錢另研

麝香少許另研

右為末稀糊丸黍米大每服十九清湯下

愚按前方乃肝脾疳症之藥也或內疳或瘡

發於外亦效蓋疳乾也或因哺食太早或因

恣食甘肥或因峻劑重亡津液虛火上炎或

因乳母飲食起居七情勞逸所致○若口內

生瘡身體壯熱顯唇赤色或咽乾飲水掌熱

便赤盜汗煩熱齒虛驚此心經內外疔也  
宜用安神丸主之○若鼻瘡目爛體瘦瘡癬  
或耳前後項腋小腹內股玉莖陰丸腫潰小  
便不調搖頭側目白膜遮睛羞明畏日肚大  
青筋口渴渴下痢此肝經內外疔也用地黃蘆  
薈二丸主之○若頭髮稀少生瘡成穗人中  
口吻赤爛或腹大腳細吐嘔泄瀉飲食不思  
口乾嗜土瀉下酸臭小便白濁合日昏睡惡  
聞木音此脾經內外疔也用肥兒丸主之○  
若鼻外生瘡咽喉不利頸腫齒痛咳嗽寒熱

皮膚皺錯欠伸少氣鼻痒出涕鼻衄目黃小  
便頻數此肺經內外疔也用地黃清肺飲主  
之○若腦熱身瘦手足如冰寒熱往來滑泄  
肚痛口臭乾渴齒齲潰爛面鰲爪黑遍身生  
瘡耳內出水此腎經內外疔也用地黃丸主  
之大凡虛火上炎或痘毒上攻名曰走馬疔  
爲患甚速敷雄黃散服大蕪夷湯此症輕則  
牙齦腐爛唇吻腫痛重則牙齒蝕落頰頰透  
爛飲食不入者爲不治○一小兒二歲莖痿  
濕痒後陰囊腫莖中作痛時出白津余以

爲肝火用龍膽瀉肝湯六味地黃丸而痊○  
一小兒羸丸作痛小便赤澁寒熱作嘔乃肝  
脾之症用小柴胡湯加山梔車前子茯苓而  
愈○一小兒羸丸腫硬小便黃澁用小柴胡  
湯加山梔草前子并蘆薈丸而消○一小兒  
腹內結塊或作痛或上攻小便不調用龍膽  
瀉肝湯蘆薈丸而愈後形氣消鑠發熱作渴  
此肝木制伏脾土用補中益氣湯及蘆薈丸  
而愈○一小兒自脫胎時兩目赤腫或作痒  
或生翳此胎內之肝火也用蘆薈六味二丸

而愈○一女子十五歲患瘰癧身發赤暈形  
氣倦怠此肝火血虛所致用加味逍遙散而  
赤暈愈用益氣湯六味丸而瘰癧消○一小  
兒下疳潰爛發熱作痛一小兒莖中作痒不  
時搔捻一小兒莖中潰痛小便秘澁目瞶尤  
甚一小兒目痒出水或項間結核或兩眼連  
剝或陰囊搔痒俱屬肝火皆用九味蘆薈丸  
並愈

餘見各類

治小兒大病後面黃肌瘦目時動齒微咬髮稀  
少未能大行因誤服解表瀉利傷尅諸藥而



致者宜長緩調理復全胃氣

白朮一錢二分

白芍藥酒炒

白茯苓各八分

人參

陳皮

川芎各六分

甘草炙

黃芪炙蜜

當歸酒洗各四分

右用姜棗水煎服

半夏山查各六分

安神鎮驚丸驚退後調理安心神養氣血和平

預防之劑

天竺黃研另

人參

茯神

南星姜制各五錢

酸棗仁炒

麥門冬

當歸酒洗

牛地黃酒洗

赤芍藥炒各三錢

薄芎

木通

黃連姜汁炒

山梔炒

辰砂研另

牛黃研另

龍骨火服各二錢

青黛另研一錢

右為末蜜丸菘豆大淡姜湯送下每服三五丸

愚按前二方根本之治防微杜漸之法也但鎮驚丸內多苦寒辛散分利之味病後不宜輕用恐復傷胃氣而變生他症也若飲食停滯而見他症當消導為主若脾胃損傷而見他症當健中氣大凡病後元氣未復或因尅

伐之劑元氣復傷而見前症但用升補陽氣  
爲主諸症自愈若專攻其病則誤矣○一小  
兒七歲患急驚將愈而發熱驚悸或用祛風  
化痰之劑更加驚搐吐痰喘嗽腹膨少食惡  
寒又用抱龍等丸更加大便秘似痢寒熱往來  
殊類風症先君視之以爲脾氣虧損諸經無  
所資養而然用四君子湯爲主少用升麻柴

胡以升補陽氣而愈  
治小兒齒腫流涎腮腫馬牙主陽明之熱

升麻

川芎

白芍藥

半夏

炒各七分

乾葛

生甘草

防風

黃連

酒炒各五分

石膏

火煨過

白朮

各一錢

白芷

三分

石膏

火煨過

右水煎每服二錢若能漱藥者則含藥漱而  
吐之漱藥不用白朮半夏

愚按馬牙重舌因胎毒胃熱所致若用線針  
刺破出血卽愈不必服藥若因飲食所傷脾  
胃虛熱而致宜用七味白朮散若服熱藥損  
傷脾胃發熱而致或口舌生瘡宜用人參安  
胃散若久病脾胃虛熱自內如無皮狀宜用

七味白朮散若脾經陰血不足午後益甚宜用四物湯加白朮茯苓炙草若脾經陽氣下陷午後益甚宜用補中益氣湯並用茱萸塗脚心若疳積虛火炎上齒齲腐爛當從疳治亦有滯頤口角流涎此由脾氣虛冷不能制其津液也宜用溫脾散若脾經實熱舌縱涎下宜用瀉黃散大凡小兒四時皆以養元氣健脾胃爲主若屢有痰症屢服驅風瀉火之藥多患前症其輕者能節飲食慎調理不藥自愈

### 序次丹溪小兒痘瘡治法

小兒瘡疹大抵與傷寒相似發熱煩躁臉赤唇紅身痛頭疼乍寒乍熱噴嚏呵欠嗽喘痰涎始發之時有因傷風傷寒而得有因時氣傳染而得有因傷食嘔吐而得有因跌撲驚恐畜血而得或爲窳眼驚搐如風之證或口舌咽喉肚腹疼痛或煩躁狂悶昏睡或自汗或下痢或發熱或不發熱證候多端卒未易辨亦須以耳冷骹冷足冷驗之蓋瘡疹屬陽腎虛無症耳與骹足俱屬於腎故腎之所部獨冷又不若視其耳後

有紅林赤縷爲真。於此可以稽驗矣。調護之法首尾俱不可汗下。但溫涼之劑兼而濟之。解毒和中安表而已。虛者益之。實者損之。冷者溫之。熱者平之。是爲權度。借喻而言。亦如庖人籠蒸之法。但欲其鬆耳。蓋毒發於表。如苟妄汗。則榮衛一虛。重令開泄。轉增瘡爛。由是風邪乘間。變症者有之。毒根於裡。如苟妄下。則內氣一虛。毒不能出。而返入焉。由是上不勝水。變黑歸腎。身體振寒耳。飢反熱。眼合肚脹。其瘡黑陷十無一生。汗下二說。古人深戒。以此觀之。瘡疹症狀。雖

與傷寒相似。而其治法實與傷寒不同。傷寒從表入裡。瘡疹所發從裡出表故也。如欲解肌。乾葛紫蘇可也。其或氣實煩躁熱熾。大便秘結。則與犀角地黃湯。或人參敗毒散。又或紫草飲多服。亦能利之。故雖云大便不通者少。與大黃尤宜仔細斟酌之。若小便赤少者。分利小便。則熱氣有所滲而出。凡熱不可驟過。但輕解之。若無熱。則瘡又不能發也。

凡瘡疹春夏爲順。秋冬爲逆。○瘡疹分人清濁。就形氣上取勇怯。○凡已發未發。並與紫蘇飲

但覺身熱症似傷寒若未見瘡疑似未明且先  
與惺惺散參蘇飲或人參羌活輩熱甚則與升  
麻葛根湯人參敗毒散但一見紅點便忌葛根  
湯恐發得表虛也○凡痘瘡初欲出時身發熱  
鼻尖冷呵欠咳嗽面赤方是痘出之候便宜服  
升麻葛根湯加山查大力子其瘡稀疎而易愈  
○凡痘初出時或未見時宜服後方多者令少  
重者令輕方以絲瓜近蒂三寸連瓜子皮燒灰  
存性爲末砂糖拌乾喫入硃砂末亦可又方硃  
砂爲末蜜水調服多者可減少者可無○凡痘

瘡發熱之時便以惡實子爲末蜜調貼顙門上  
免有患眼之疾○凡初出之際須看胃前若稠  
密急宜消毒飲加山查黃芩酒洗紫草減食加  
人參○初出之特色白者便大補氣血參芪芎  
朮升麻乾葛甘草木香丁香酒洗當歸白芍藥  
若大便瀉加訶子肉豆蔻○初起時自汗不妨  
蓋濕熱薰蒸而然故也○有初起煩躁譫語狂  
渴引飲若飲水則後來齶不齊急以涼藥解其  
標如益元散之類亦可用○凡瘡已出可少與  
化毒湯○出不快者加味四聖散紫草飲子紫

草木香湯紫草木通湯或快斑散絲瓜湯○出  
太甚者人參敗毒散犀角地黃湯○疎則無毒  
密則有毒以涼藥解之雖數貼亦不妨無害眼  
之患○爐灰色白靜者作寒看○齊勇者燥者  
斫發者作熱看黑屬血熱不血爲主○白屬氣  
虛補氣爲主○中黑陷而外白起得遲者則相  
兼而治○凡痘瘡分表裡虛實吐瀉少食爲裡  
虛不吐瀉能食爲裡實裡實而補則結癰毒陷  
伏倒靨爲表虛灰白者亦表虛或用燒人屎紅  
活綻凸爲表實表實而復補表則要潰爛不結

痂○痘瘡分氣虛血虛用補藥氣虛者人參白  
朮加解毒藥血虛者四物湯中加解毒藥○痘  
瘡分氣血虛實多帶氣血不足虛則黃芪生血  
活血之劑助之略佐以風藥實則白芍藥爲君  
黃芩亦爲君佐以白芷連翹續斷之類○調解  
之法活血調氣安表和中輕清消毒溫涼之劑  
兼而治之二者得兼而已溫如當歸黃芪木香  
葷涼如前胡乾葛升麻葷佐之以川芎白芍藥  
枳殼桔梗菴活木通紫草之屬則可以調適矣  
○黑陷二種因氣虛而毒氣不能盡出者酒炒

黃芪紫葦人參葦○黑陷甚者亦用燒人屎蜜  
水調服出子和方○瘁塌者於形色脉上分虛  
實實則脉有力氣壯虛則無力虛瘁以實表之  
劑加涼血藥實瘁如大便不通者以大黃寒涼  
之藥少與之下其結糞○氣怯輕者用淡蜜水  
調滑石末以羽潤瘡上○瘡乾者宜退火止用  
輕劑荆芥升麻葛根之類○濕者用瀉濕乃肌  
表間濕宜用風藥白芷防風之類○上引用升  
麻葛根下引用檳榔牛膝助以貝母忍冬草白  
芷瓜蒌之類○若咽喉痛者大如聖散鼠粘子

湯○喘滿氣壅者麻黃黃芩湯煩渴者甘草散  
烏梅湯下痢嘔逆者木香理中湯○顏色正者  
如上治將欲成就却色淡者宜助血藥用當歸  
川芎酒洗芍藥之類或加紅花○將成就之際  
却紫色者屬熱用涼藥解其毒升麻葛根酒炒  
黃芩黃連及連翹之類甚者犀角大解痘毒○  
灰白色將靨時如豆殼者蓋因初起時飲水多  
其靨不齊俗呼倒靨不好但服實表之劑消息  
他大小便如大便秘通大便小便秘通小便○  
小便赤澁者大連翹飲甘露飲○大便秘結內

煩外熱者小柴胡湯加枳殼最當或少用四順  
清涼○瘡疹用藥固有權度大小二便一或秘  
焉則腸胃壅遏脉絡凝滯毒氣無從發泄眼閉  
聲啞肌肉薰黑不旋踵而告變矣陷入者加味  
四聖散更以胡荽酒薄傳其身厚傳其足噴其  
衣服併以厚綿蓋之若猶未也獨聖散入木香  
煎湯若其瘡已黑乃可用錢仲陽宣風散加青  
皮主之錢氏云黑陷青紫者百祥丸下之不黑  
者謹勿下余知其所下者瀉膀胱之邪也又云  
下後身熱氣溫欲飲水者可治水穀不消或寒

戰者爲逆余知其脾強者土可以治水也百祥  
丸太峻當以宣風散代之瀉後溫脾則用人參  
茯苓白朮等分厚朴木香甘草各半爲妙蓋瘡  
發肌肉陽明主之脾土一溫胃氣隨暢獨不可  
消勝已泄之腎水乎此錢氏不刊之秘旨也○  
其壞瘡者一曰內虛泄瀉二曰外傷風冷三曰  
變黑歸腎○近時小兒痘瘡止宗陳文中木香  
散異功散殊不知彼時立方之時爲運氣在寒  
水司天時令又值嚴冬大寒爲因寒鬱遏痘瘡  
不紅綻故用辛熱之劑發之今人不分時令寒



熱一槩施治誤人多矣時值溫熱山野農家貧賤之人其或偶中也○丹溪痘瘡治法最爲明備近世通用陳文中木香異功等方乃一偏之術若痘瘡虛怯淡白色痒塌此屬虛寒宜用陳文中方若發熱壯盛齊勇紅紫色躁痒此屬熱毒急宜涼血解毒自陳文中方盛行後屬虛寒者率得生屬熱毒者悉不救痘是胎毒古人治法只解毒然氣血虛則逆毒氣不出及不能成就故陳文中之法亦千載妙訣補前人之未備者但溫補之法旣行而解毒之旨遂隱故救得

一邊又害了一邊今必詳究丹溪二法通用斯無弊也○痘瘡屬虛寒者直可延至十數日後方死屬毒盛轉紫色者不過七八日蓋痘是胎毒自內出外二三日方出齊毒氣尚在內出至六日則當盡發於表七八九日成膿而結痂矣若毒氣盛不能盡出過六日毒反內入臟腑故須於六日以前毒氣該出之時急服涼血解毒之藥以驅出之六日以後鑿無及矣故其死最急若虛弱毒氣少者只是氣血不足不能貫膿成就故綿延日久而後死此虛實輕重之分也

○痘瘡多者是毒氣多便先宜解毒然多則恐氣血周貫不足故隨後亦宜兼補藥以助成膿

血

愚按痘疹之疾乃胎稟之熱毒由內發外雖為有餘之症當瀉不當補然兒體有虛實積毒有重輕又在變而通之考之錢陳二先生雖俱各家然就而折衷之則陳為較優蓋錢之用藥偏于清涼而陳之治法溫涼並行以其深究陰陽造化之妙故于病之真寒假熱與夫真熱假寒固不知之真而見之定隨症

異宜未嘗執泥假如病屬虛熱而元氣未至虧損者施之以錢氏之法則固當矣若病氣元氣俱虛或俱實者而不以陳法治之鮮不致誤且小兒之痘疹譬即大人之癰疽治法無異其熱毒蘊于內臟致二便不利煩熱作渴脉沉實須用托裏疎通鞏衛三法觀陳氏異功散人參白朮散前胡枳殼湯等方其藥品深為得宜治者詳訂而遵之可也